



## کوئل

گو گو گو کوئل بولی  
 کال کلوٹی کالی کالی  
 منہ نہیارا ڈاہلی ڈاہلی  
 وازاں مارے اٹھو سارے  
 رب نا ناں پکارو سارے  
 پہلا تہاڑا رب کرسی گا  
 اُس نا شکر گزارو سارے  
 گو گو گو کوئل بولی

رنگ کالا یا کم نیہ کالا  
دل چٹا یا ہتھ نیہ مالا  
سارے کم دلاں نے پہنائو  
نال دلاں نے رکھو پالا  
گو گو گو کوئل بولی  
منہ نہیارے ڈاہلی ڈاہلی

انتیاز نسیم ہاشمی

## 1۔ اوبکھے لفظاں نامطلب:

کال کلوٹی : سروں کالی  
منہ نہیارا : بہوں سویرے، نکلی لوئی  
مالا : تسبیح

## 2۔ مندرجہ ذیل سوالاں نے جواب دیو:

- (۱) کوئل کسراں بولنی ہے؟
- (۲) کوئل کے آکھنی ہے؟
- (۳) رنگ نے بارے بچ کوئل نا کہہ تاثر ہے؟
- (۴) کوئل کے آکھنی ہے جے کس نال پالار کھو؟

## 3۔ اس نظم کی زبانی یاد کرو:

## 4۔ کم نیاں گلاں:

اساں نے علاقیاں بچ بے شمار چڑیاں پکھیروں ہونے ہین جنہاں بچوں  
کوئل وی اک ہے۔ اُستاد بچیاں کی انہاں پکھیرواں نی فہرست تیار کرن  
بچ مدد کرن۔ تہ سمجھاوَن جے چڑیاں پکھیروں ماحول واسطے کسراں مددگار  
ہونے ہین تہ اساں نے معاشرے بچ ایہہ کسراں فائدہ مند ثابت ہونے  
ہین۔ بچیاں کی دہسیا جائے کہ شکاری پکھیروں کیہڑے ہین تہ اوہ کس نا  
شکار کرنین۔